

中華民國
政府公報分類彙編目錄

●保存祠墓

內務部訓令各省民政長規定公有私有各祠辦法文

江蘇都督張勳呈請保存前代各祠宇以資觀感文並批

京師警察廳令北京先烈紀念祠事務所發起人郭寶恕等准予接收

經理文

湖南都督湯薌銘呈報發還湘省先賢祠屋祭產擬辦情形文並批

內務總長呈核議仍留山東汶上縣宋白二氏祠祀並原有世職祠田

分別停止升科文並批令

內務部咨各省巡按使請飭屬查明有不應祠祀濫邀公祭之人隨時


咨部以憑核辦文

內務部批范端信稟請申明禁令保存先賢祠墓文

保存祠墓 目錄

二

河南南陽鎮守使吳慶桐呈擬將南陽武庫改建昭忠祠懇請飭部立
案文並批令



中華民國
政府公報分類彙編

●保存祠墓

▲內務部訓令各省民政長規定公有私有各祠辦法文

本年十一月七日大總統通令各省行政長官各就該省所有各祠切實調查除由家屬捐貲建築及忠裔所置祠產應歸私人享有者悉予給還外其有爲國家及地方公帑所營構者應仿日本神社之例酌留兩祠分別前代勳臣民國烈士爲位合祀餘悉撥充公用等因旋據江蘇民政長韓國鈞呈稱遵令轉飭各縣知事先行切實調查境內祠產如係家屬捐貲建築及忠裔所置應歸私人享有者悉予給還外其國家及地方公帑所營構之祠宇省城及各縣地方所在皆有是否各縣地方各酌留兩祠其餘悉充公用再公有私有如有爭議之時是否須經審判應調查證據裁判決定呈請通飭遵行等語查該民政長原呈所稱各節誠屬必有之疑問惟細繹大總統原令係謂每省酌留兩祠已足昭示國家崇德報功之意所有省城及各縣地方除私有者應即給還外其餘以國家及地方公帑營構之祠產自應一律撥充公用至因公有私有生出爭議應如原呈歸該地方審判官應調查證據裁判決定爲此通令各省民政長一體遵照辦理可也此令中華民國二年十一月二十七日內務總長朱啓鈴

▲江蘇都督張勳呈請保存前代各祠宇以資觀感文並批

爲呈請保存前代祠宇以昭公允事據江蘇紳士朱孔彰陳作霖龔乃保管祖式程鼐秦寶瑤等呈稱竊維仁民愛物者爰有去思之誼制醜福祇者無黍稷之享生榮雖邀於帝命死哀必準於輿情旣闢廟以妥幽靈卽報功以風來禩意至渥也典至允也查江南舊有旌忠專祠凡若干所或勞宣將相堪侔江左夷吾或手提

保存祠墓

獨懷或沙場雄鬼，一粵匪之亂，奮戈湖湘者，若曾文正曾忠襄，無異常山平原之弟，兄庚子拳教之役，作鎮江漢者，若劉忠誠張文襄，又為建業武昌之鎮，歸萬命之懸，屢解數椽之祀，僅存式茲懋績，允宜永薦馨香。顧我編氓，誰非受其卵翼，念自民國初造，時祭問供，民之質矣，空懷詰爾之思，魂兮歸來，寧免餒而之，燼煙霜之氣，願索丹雘之字，失鮮而一二當事者，謂先烈不應設祀，疑諸公未必有靈，粟主爭移門題，盡改嗟夫，不作新宮，以崇報，恐亦負國殤殉義之心，專奪故席，以畀人，何以勸子孫世守之孝，在神明，豈有恫怨而士夫轉益，歎獻策，羣力以安天下，同是生為英而歿為靈，據廟食，即改常尊，豈真新鬼大而故鬼小，謂明禋有時，當替何以往古，忠烈祠，墓尚逼於寰區，倘功臣易代，猶寢豈非扶植綱常，風氣將趨於淳古，孔彰等稔知諸專祠，恩諡雖奉於清廷，建築實類於私產，惟有仰懇俯鑒，羣情撫齋木之存綿，君子之澤，飭查各祠，悉復其舊，即電請大總統於先烈原籍及死事地方，特闢崇閭，以彰勞勩，則故靈不餒於改屋，元勛仍壯於新朝，後先相映，各載靈旗，鬼馬而來，神人以和，當致甘雨祥風之瑞，再光復後各省沒收，公建祠宇，甚多，應請轉懇大總統通令一體查明，發還，以妥幽靈，而昭旣實，為公德兩便等因，附呈清摺前來，正核辦，聞接准國務院陽電轉奉，鈞令仰見。大總統報功崇德，至公至平，曷勝欽服，動復查共和成立，但闕國體之更報，享前功同此，旌忠之典，溯道咸以來，名臣繼起，有曾左諸人，奮述中興，躬當百戰之衝，報以千秋之祀，厥功甚偉，於禮宜崇，民國肇基，爰追先烈，在諸偉人經營，慘淡具有成勞，即我國民，騰祀馨香，詎云非禮，若乃奪之所有，使庭堅不祀，忽諸籍，恐逝者有知，將有幸之神，不享該紳等主持正論，追念元勳，犁然有當於人心，猶見斯民之直道，應請大總統准如所請，所有摺開各祠宇，悉復其舊，而於先烈原籍及死事地方，另立專祠，以昭平允，而資觀感，實為德便，謹呈。

批據呈已悉，應由該都督會同該省民政長，遵照前令，分別辦理。此批。中華民國二年十二月一日國務總理 熊希齡內務總長朱啓鈞

▲京師警察廳令北京先烈紀念祠事務所發起人郭寶如等准予接收經理文
卷查民國二年四月十六日奉內務部令開據北京先烈祠發起人郭寶如等呈已悉該發起人等以吳君祿
貞宋君教仁糊造共和後先罹害此外志士因奔走國事而遇難者指不勝屈是以聯合各界公共聚資就宣
武門外教子胡同湖廣義園餘地建築祠堂供奉吳宋二君及諸先烈名曰先烈紀念祠表彰先烈之前勳永
留後生之景仰本部極爲贊同所請立案之處自應照准除批示外爲此令行該廳仰卽知照飭區照章保護
等因奉此嗣因該祠地點迄未確定未能進行茲於本年一月二十三日據該祠事務所同人呈稱購得香廠
中間路北廢廟基一處計殘破瓦房四十四間另有空地兩塊作爲建祠地址請立案等情本部當以郭寶如
等以吳君祿貞宋君教仁糊造共和後先罹害擬聯合各界醴資建祠供奉吳宋二君及諸先烈名曰先烈紀
念祠表彰先烈昭示來茲本前修景仰之誠爲俎豆馨香之報揆之事理豈曰非宜第廟堂薦享典禮攸關表
忠褒義在歷代已史不絕書崇德報功在民國亦禮當不廢况設壇而隆於饗既規定於國慶佳辰而建祠以
妥英靈乃猶待於私人團體何以與斯民觀感之資抑亦爲盛世典章之闕詳核該會第五第六次報告因時
事之遷移歛贖金之不易縱該會事當草創不侈翰旻之美觀惟京城地重首都實爲羣流所競仰少涉簡略
貽譏高明至於奔走國是前仆後繼者豐功偉烈俱應報酬取義成仁何祇吳宋先民可作合祀爲宜此體例
關係尙待研究因呈內務部請將該發起人郭寶如等建祠原案卽予取消另由官廳籌辦以崇體制而隆報
讜等因本月二十日接奉指令呈悉查崇德報功邦有常典凡能爲國家捍災禦患取義成仁者皆當隆其卹
養勿替馨香京師先烈紀念祠前經郭寶如等呈請建設本部於該發起人等先後呈請撥用天壇先農壇迭
經批示在案茲據該廳呈稱該會地點迄難指定贖金亦復不易請將原案批銷另由官廳籌辦等情意在恢
闡規制昭垂永久本爲民立社之義鑒合羣集事之難力予維持表揚往烈所請應卽照准所有該會捐集款
項應一併由廳接收經理迅予籌辦以慰輿情而光祀典京師爲首善之區名祠林立該廳應遵照二年一月

六日 大總統通令仿照日本神社之例分別妥議辦法呈部核奪等因奉此合行仰該事務所迅將經收款項及一切文件契據賬簿逐細交由該管外右二區警察署署長英照接收送廳以憑核辦此令中華民國三年二月二十四日執行處分令外右二區警察署署長英照

▲湖南都督湯薌銘呈報發還湖省先賢祠屋祭產擬辦情形文並批

爲呈請事案奉前國務院號電傳奉 大總統令據中將梅馨電呈請飭湘督發還會左胡彭楊諸公祠屋祭產持論正大足爲薄俗砥柱諸賢於洪楊肆虐蹂躪同胞之日爲民捍患使我漢族奮發爲雄湘中子弟尤拜其賜昔周武封比干之墓式商容之閭前清時於明臣黃願諸賢尙加崇祀豈有共和之世不如專制之朝自光復以來浮薄少年神聖洪楊指斥會左遂使暴民用事盜賊橫行風教所關亟應匡正本大總統已通電各省修復各祠給還祠產該督其迅卽遵辦具報等因具仰我 大總統表章先賢扶植正氣之盛心湘省當前清咸同之季東南亂作會左諸賢及時奮起勸猷既懋報享遂宏專祠之立於湘僞最光復以後湘政不綱亂黨鼓會左民賊之謬言遂相率殘暴而奪其祠祀豐碑委諸巷陌木主蕩爲炊薪以言罹劫之虐亦無逾於湖者電奉前因遵卽嚴飭徹查分別發還並經將遵辦情形具報前國務院轉呈 大總統鑒核在案伏查湘省先賢祠屋祭產建置之款多寡不等有願自國家者有輸自私人者有助自戚鄰者有集自屬部者性質所區主權乃屬如左文襄祠產彭剛直祠基以及羅忠節王壯武會忠襄劉勇介李忠武李忠毅各祠屋祠產均經本其舊稱按其性質或則修復或則發還風聲所樹觀聽一肅惟會文正祠屋祠產建置之始費款頗繁輸集之途厥類不一節經蒞銘遴員鈎查分途擬辦茲據警察廳長張樹勳會同查辦委員朱益敘呈稱遵查會文正祠基宇崇宏並附設思賢書局思賢講舍兩大部分而旁近鋪屋隸屬祠產者亦頗有之當建置之初費巨萬之款核其緣起性質攸殊或籌自私家或願從內帑或出於門生故吏之報効或由於富商大賈所捐輸且該祠向係由兩淮鹽商公推管理擬請完全歸諸公有並據會廣鈞以祠產應歸私有呈請發還附呈會文正

祠徵信錄及該祠產契據前來彙錄詳加查核徵之輿論竊以文正祠屋規模崇壯產業建置爲數亦宏當其贖資之時胥出祀功之義但垂永久之典初無公私之分所以該祠原由兩淮鹽商公推管理繼復推任葉德輝管理又繼復遞推聶緝襲管理在會裔與鹽商均係純一保持祀產期諸久遠不敝之意崇德報功大公無我其孝思風義胥足多者民國以還祀產被奪主祀被毀在文正後裔固不能無茹苦負痛飲泣憤憤之忱此次會廣鈞呈請發付私有亦係仁人孝子之心之所見端惟事實所彰衆論所在雖彙錄亦有不能曲爲掩者查該警長等呈內所稱祠宇崇閣當建置之初費巨萬之款款項各殊自係實情又如呈內所稱帑款一節證之徵信錄中亦卽藩庫帑項銀三千兩聞係前清頒賞曾文正治喪者至所謂門生故吏之報效電商大賈所捐輸迹其熱忱多出私感綜按各款之性質胥屬私權之所有惟由鹽務票捐項下集款置產歲爲祭祀之需又於文正祠側附設思賢講舍及思賢書局以爲景仰先賢培植後學之計純係出於鹽商部份之公積該警廳呈內所謂該祠向係由兩淮鹽商所管理者自亦有故卽進而徵之會廣鈞所呈徵信錄所載鹽商乾順泰稟前湖南督銷局文內有外間人言嘖嘖咸謂會祠支發與祠中不相干涉之款濫用太多亟應截止已公同議定文正公祠公費除例發各款外其餘一概停支等語是會祠用款之伸縮既得由鹽商之支配其非純粹之屬於私有已類鐵案之無可辯論又如湘中耆儒王闈運等來書亦以會祠財產應歸公有爲言彙錄遠稽歷史近揆現情欲強以祠產全歸私有則無當於鹽商推類崇奉之公欲悉以主權移付公家亦未洽於會氏世禮毋溼之義因思明令所頒在崇先正後人報本期永明禪以先覺覺後之人享有功於民之祀布而公之維持久隳而私之則傷公藩緒輟轉思維計無兩可擬請根諸舊案解此糾紛所有文正祠宇卽發還曾氏後裔具領保管其財產仍交鹽商公推管理每年將款項帳目於年終具報行政公署審查一次凡祠中祭祀歲修之需卽責成鹽商核實支付有餘仍沿思賢講舍之舊由民政長核撥爲湖南地方興學育才事業範圍以內之用既以符景行前益紹焉來學之心亦以慰會裔篤念先型垂祀永永之望似此辦理似於公益私誼兩

有所全除祠宇業已飭令警察廳長張樹勳查辦委員朱益敏發還會氏具領外所有擬辦此案情形是否有當理合具文呈請 大總統俯賜察核批示祇遵謹呈

批准如所擬辦理交內務部查照此批中華民國三年五月二十一日國務卿徐世昌

▲內務總長呈核議仍留山東汶上縣宋白二氏祠祀並原有世職祠田分別停止升科文並批令

為核議仍留山東汶上縣宋白二氏祠祀並將原有世職祠田分別停止升科以報有功而重國課事本年六月二十七日奉大總統府政事堂機要局交山東汶上縣世襲八品官白觀化宋繼周稟二件內稱該二氏始祖白英宋禮以開河治泉建壩有功明清兩代屢予封卹勅建專祠列入祀典特賜世襲八品官各一人以奉祠祀所有祠田均係先後賜給並免納租糧各在案該省湖田局不加查核竟照民墾田畝一律升科納租請格外優卹俾祭品有出以保祠祀等情到部查本部呈准編訂禮目於吉禮中特列祭有功德於民者一項又載功德在國則以國費祭之而為國祭功德在一方則以地方費祭之而為公祭等語明臣白英宋禮生而勤職克程疏濬之功沒荷榮封早列坊庸之祀前代馨香縣承弗替宜存舊典以勸方來擬即按照功在一方之例仍留祠祀由地方官歲時致祭用彰崇報其八品世職民國無此項規定未便任其沿襲至祀田一項相傳既久應准白宋二氏子孫世為典守固不再事紛更惟既為法治國之人民即有納租之義務自應一律升科以重國課俟奉批後由部咨行山東巡按使查照辦理所有核議仍留山東汶上縣宋白二氏祠祀並將原有世職祀田分別停止升科各緣由是否有當理合具文呈請謹乞 大總統鈞鑒訓示施行謹呈

▲內務部咨各省巡按使請飭屬查明有不應祠祀濫邀公祭之人隨時咨部以

憑核辦文三年十二月十八日

爲咨行事准政事堂鈔交肅政史李映庚呈稱亂事初起地方秀民召號徒黨大者攻陷城邑小者劫掠鄉里若地方官執而誅之暴民專制之時卽加官吏以戕害烈士之罪而秀民皆得建祠此等逆祀各省皆有欲民進德先以教亂請令內務部通飭查明一律平毀奉 大總統諭交內務部等因查報功崇德地方建立專祠一以妥忠義之英靈一以示人民之景慕觀瞻所繫禮制攸崇民國鼎革之初一時志士捐軀惟冀改良政治奉以馨香之典蓋出於崇拜之忱至若名義僞附民軍性質實同土匪破壞社會擾亂治安是誠法所必誅更何容濫叨享食惟爾時國基甫奠一切是非未定標準毫無除各家族自行私祀無妨任其自由外其由各地方人民公祭建置專祠者若不查明事實將何以重禮祀而正人心合卽咨行貴巡按使轉飭所屬各該地方確實查明如有前項不應祠祀濫邀公祭之人應卽詳列事實隨時咨部查核以憑分別辦理此咨

▲內務部批范端信稟請申明禁令保存先賢祠墓文

據范端信稟陳先賢祠墓爲吳中名蹟歷代封禁業將辦理成案節要彙陳大部暨司法部各在案謹鈔臨時善後等項章程請鑒核批示等情到部查天平山范公墳者三吳名勝塚墓久志於圖經歷代馨香樵蘇早懸爲厲禁豈可聽諸蕘豎時入斧斤容彼匠師傷殘樹石本部保存古蹟職有專司披閱來稟所陳各節其涉司法範圍者已由司法部批示外亟應申明禁令加以保存庶幾江都董相之墳過者咸知瞻敬魯國展禽之隴行人無任毀傷俾共名山長存勝蹟所有臨時及善後章程各條是否可行應由該省行政長官核辦除咨行江蘇巡按使核辦報部備案外合先批示遵照此批中華民國三年十月十七日

▲河南南陽鎮守使吳慶桐呈擬將南陽武庫改建昭忠祠懇請飭部立案文並

批令

爲擬將南陽武庫改建昭忠祠懇請飭部立案仰祈鈞鑒事竊維殺敵捐軀志士尙毅勇之氣而時功報德古人有祀誅之辭查所部第二混成旅暨先鋒隊自上年奉調入關先鄂後贛復由鄂返豫始而攻擊亂黨克復

沙陽佔領瑞昌繼而追勦白匪圍困襄陽酈戰古村所賴在事出力各官兵莫不同仇敵愾後爭先雖勦敵之當前亦視死而如歸故能所向有功戰無不克迨本年夏間各營隊隨職到苑正值白匪猖獗各處零星股匪亦乘機竊發經各營隊或分頭迎擊或合力兜勦雖值炎天溽暑彈雨槍林該官兵等奮勇殺賊未嘗稍挫綜計入關後於各戰役死事者不下一百數十員名均屬爲國捐軀忠勇堪嘉現今地方漸就肅清若聽英魂避倭何以昭示來茲伏查北洋各師旅均建有勸忠祠用以追懷先烈表揚幽光俎豆馨香冀垂不朽職現擬仿照辦理惟當此財政支絀之際詎敢少事鋪張致耗財力茲擬就南陽城內舊有之武庫一所因光復以來所存軍械遺失殆盡以之改作祠宇尙可節省經費但其中房間多半倒塌非重爲增修不足以壯觀瞻遂飭庀材鳩工趕即興修統計大殿三間兩廊六間殿旁耳房各兩間現已一律告竣輪奐可觀額之曰招忠祠蒐羅二旅暨先鋒隊迭次陣亡各官兵階級姓名籍貫刊立木主職已於九月四日率同全體官兵恭送入祠而祀焉其病故官兵亦多係屢經戰征功績頗著者遂附入兩廊以作配享卽於是日開追悼會用誌哀忱且查死事各官兵停柩未歸者甚衆擬於舊日教場官地內撥出四畝作爲義地俾各棺柩浮厝於斯並飭詳晰註冊以備忠裔撥柩之考至於改修祠宇並開會所支各款概由職捐廉籌辦不另列報以重公帑而恤時艱除詳報陸軍部外所有擬在南陽地方將舊日武庫改建昭忠祠緣由理合具呈謹呈 大總統鈞鑒俯賜飭部立案實爲恩便謹呈

批令交內務陸軍兩部查照此批中華民國三年十月二十一日國務卿徐世昌